

DISSERTATIO INAUGURALIS MEDICA
DE
RUBEFACIENTIUM ET VE-
SIGANTIUM AGENDI
MODO,

QUAM
CONSENTIENTE AMPLISSIMO MEDICORUM
ORDINE

IN
UNIVERSITATE LITTERARUM CAESAREA
DORPATensi,

PRO GRADU
DOCTORIS MEDICINAE

RITE OBTINENDO,
LOCO CONSUETO, DIE IX NOVEMBRIS

PUBLICE DEFENDET.

AUCTOR
PETRUS HENRICUS MACONI,

VIBURGENSIS.

DORPATI LIVONORUM,
EX OFFICINA ACADEMICA J. C. SCHÜNMANN.

MDCCXVIII.



In primatur,
ea conditione, ut, simulac typis excusa fuerit, antequam di-
stribuatur, septem exemplaria ei Collegio, cui censura libro-
rum mandata est, mittantur.

D. XII. Octbr. MDCCXVIII.

D. Martinus Ernestus Styx,
Censor.

D 17535

P r o o e m i u m .

Quaeunque mutationes in rerum natura
ex materia rum et virium diversarum confli-
ctu provenientes observare licet, haud tem-
peraria hinc et veteres et recentiores ad si-
militer explicandam etiam organismi nos-
tri, et rerum in eum agentium rationem
utebantur conjectura. Qui conflictus, cum
vel dynamice, vel chemice, vel mechanice
perfici possit, phænomena, quæ corpus
animans sive solum, seu cum rebus exter-
nis conflictans præbet, explicationis modo
uno, alterore nimis innixi, expōnere non
possunt. Omnes igitur agendi rationes
in censu vocandæ sunt, utpote quævis
non, nisi certis quibusdam viribus opere-
tur. Dynamica ratio cum omnium maxime

emineat, illa etiam reliquae nituntur. Quum vero omnes mutationes in corpore animante obviae, in mixtione potissimum versentur, dynamica haecce ratio in chemismo sese manifestat animali, ita ut mutata mixtione etiam vires mutentur, et vice versa. Quae, quamvis ita sint, Chemiae tamen ho- diernae pracepta in chemismum vitalem transferre nequimus. Nam, cum ad expo- nendum processum chemicum, utriusque corporis conjungendi natura et mixtionis ra- tio nobis prius innotescat oporteat, nostrae fere omnino deficientes mixtionis organicae cognitiones non, nisi vanas de potentiarum chemicarum in corpus nostrum vivum vi admittunt conjecturas. Neque mixtioni partium in organismo vivo rationem rea- gentibus sic dictis et adminiculis chemicis unquam investigare valemus, quia omnis mixtionis et virium harmonia, qua vita con- stat, ejusmodi experimentis turbaretur.

Ita organismus ut corpus consideran- dus est, quo partes singulas ex multifaria mixtione elementorum diversorum ratione formatas, easque rursus etsi diversissimas affinitate mutua ita inter se conjunctas acci- pere debemus, ut partis unius mixtionem,

ab omnium reliquarum mixtione et vi, et versa vice, dependere oporteat. Omnium igitur rerum externarum et medicamento- rum vis, etsi tantummodo partem unam at- tingant, non solum quae hujus partis mixtioni propria est, verum etiam quae ex ejus cum reliquis fluit conspiratione, reactionem efficit. Quae reactio, non in medicamentis, sive corporis externi commixtione, nititur cum materia organica, sed virium vitalium per affinitatem rei externae immutata ten- sione et temperie, quam etiam mixtionis materiae organicae immutatio sequitur. Cum variae res diversam faciant in organis- mo mutationem, multifarii etiam pro praep- pondio, vel virium organicarum, vel affini- tatis potentiarum externarum eliciuntur ef- fectus. Si virium vitalium ratio affinita- tem rei externae vincat, tunc etsi aliter ab ea temperatus fuerit, organismus, hanc rem quae sphærarum ejus intraverit, aut convincere, in suum usum suamque natu- ram convertere (ut alimenta et quaedam medicamenta), aut si id efficere nequeat, ex suo commercio eliminare studet, (ut Hy- drargyrum, Sulphur). Ubi vero res exter- nae ope affinitatis suaे virium organicarum

reactionem superant, tunc et in modum mere chemicum in materiam agunt organicas, eamque secum conjungunt et destruunt, (ut Acid. concent. miner., Kalia caustica, acria quaedam).

Quodsi omnes materiarum affinitates et conflictus non, nisi polarica et contraria eorum qualitate nituntur, eadem quòque polaricam actionem vel inter res externas et organismum, vel inter hunc et ejusdem singulas partes locum habene, et in sanitate harmonia quadam gaudere existimemus, necesse est: In valetudine adversa, ubi polaricae organismi actiones sive qualitatis sive quantitatis habita ratione, dissident, ad talium homines confugerunt remediorum usum, quae polarica vel chemica eorum vi illam vel hanc turbatam polaricam organismi virium tensionem immutando, sanitatem experientia teste restituerunt.

Quae polaricae actiones etsi cum legibus rerum principibus convenient, tamen neque partibus organismi nec rebus externis hanc vel illam cum certitudine tribuire possumus polaricam qualitatem, sicut oxygenio negativam, hydrogenio positivam electricitatem. Hinc veritati eos minime

satisfecisse arbitror, qui sistema irritabile, quod oxygenio, nervorum vero, quod hydrogenio scatere credunt, alterum negativa, alterum positiva gaudere vi quadam, sive electricitate, et ideo vicissim in se agere contendunt. Mixtionis nervorum et partium irritabilium in organismo vivo rationem eruere, uti jam monuimus, nunquam poterimus. Et quamquam Chemia, quae nunc alacriori tractatur studio, substantiam alteram oxygenio, alteram hydrogenio abundantem, inter se affines et polaricas esse docet, tamen alias etiam nobis exponit elementorum affinitates et conjunctiones, ubi oxygenium nullas agit partes, ut inter hydrogenium, principium carbonaceum, azotum, metalla, sulphur, phosphorum etc. Ex quibus etiam patet, medicamentis, quorum auxilio morbis medemur, propter unius vel alterius elementi abundantiam, nos neque negativam, neque positivam in corpus agendi qualitatem, certe adscribere posse. Quae, quamvis ita sint, tamen haud dubitantes, polarica et chemica ratione omnes nisi medicaminum effectus, nos duntaxat monuisse sufficiat, omnem de his rebus explicationem experien-

tiae obtemperare debere, quae nonnisi generaliores Chemiae et Physices leges in chemisimum vitalem transferri permittit.

In perscrutanda vero chemismi vitalis peculiaris natura, cum omnis doctrinae medicae complexus versetur, non, nisi caute institutis experimentis, atque sagacissime observatis, quae exinde fluunt, phaenomenis, certiorem omnino assequi possumus cognitionem.

Quare de medicamentorum in genere ad corpus humanum relatione cogitanti mihi in mentem venit, speciminis inaugralis materiam rubefacientium et vesicantium agendi modum eligere.

Si vero in his studiorum primitiis haud omni ex parte pro argumenti gravitate et ambitu disseruerim, aequos judices rogatos velim, ut juveni vires suas etsi mancas pernicitant iudiceant et humanissime ignoscant.

Quae in medicamentis rubefacientibus et vesicantibus, potissimum de substantiis acribus.

Generalia quaedam de rubefacientibus et vesicantibus, potissimum de substantiis acribus.

Quaecunque inter rubefacientia et vesicantia numerantur remedia, specificam habent vim ad cutem humani corporis perquam fortiter irritandam. Talia esse possunt irritamenta, vel mechanica, vel chemica. Quod mechanica attinet, adhibentur frictio (a) manu, pannis et scopolis vel setaceis, vel metallicis facta, flagellatio (b) aut virgarum, aut bacillorum, aut herbæ Urticae ope, ampunctura (c) acubis instituta, denique cucurbitularum siccarrum applicatio. (d) e. s. p. Inter che-

a) Mercurialis de arte gymnastica. L. I. c. 8. p. 33.

b) G. G. Richter diss. de medicina plagosa 1748. Opusc. Tom. I p. 257.

c) Heister inst. chirurg. pars I. pag. 443.

d) Prosper Alpinus de medicina Aegyptior. Lib. II. cap. 13 — 14.

mica idem praestant cum calorici in genero, et speciatim ferri calefacti vel candentis et aquae fervidae (e) usus, tum substantiarum acrīum potissimum idoneis in formis ad cutem adiplicatio.

Aores haec substantiae ideo nuncupari solent, quia acoris in ore sensum gustando excitant. Itaque principium quoddam acre in ejusmodi substantiis statuerunt existere, quod vero nunquam hucusque purum, unius ejusdemque qualitatis, et absque substantiae alijs intimo connubio evolvere per chemicas analyses concessum fuit. Substantiarum acrīum in producendo effectu medico differentiam antea ex materialium repetebant diversitate, quibuscum principium acre conjunctum credebat. Cum vero post institutas corporum acrīum analyses haecce acredo his substantiis plus minusve inhaeserit, diversitatem hanc jam ex modificata earum mixtione derivabant recentiores. Falsa igitur est et eorum opinio, qui propter ammonii evolutionem per chemicam horum corporum tractationem, principium acre ammonialis esse naturae contendebant, haud intelligentes, Alkali hujus

volatilis evolutionem non ut eductum sed ut productum esse considerandam.

Hunc acorem quinque substantiis inesse celeberrimus Giese docet (f); 1mo singulari oleosae aethereae sive oleo hydrothionico (Raphaniūm); 2do peculiari oleaceae aethereae (Anemoneum); 3to substantiae cuidam resinoso-oleosae aethereae (Helleborinum); 4to substantiis animalibus et potissimum adiposo cuidam generi; 5to resinosis quibusdam corporibus.

Praeterea haecce quinque genera ad duas, secundum eorum vel fixiorem, vel volatiliorem naturam rediguntur classes.

Classis prima, ad quam pertinet et oleosum et oleaceum aethereum, cum oleum hydrothionicum, tum Anemoneum, eo ab altera differt, quod corporum vegetabilium, quibus insunt, alia concisa, contusa et expressa, vel aqua servida superflua, vaporem et halitum spargunt, qui vehementer in propinquis aut ore, aut naso; aut oculis excitat ustionis et punctionis sensum, alio vero cuivis encheiresi chemicae exposita, facile decomponuntur et evanescunt.

(f) Chemie der Pflanzen und Thiere Körper, in pharmaceutischer Hinsicht. Leipzig, 1811, 2dth. 2, S. 433 - 449.

His adnumerantur inter alias plures plantae, quae sequuntur; Colchici, Allii, Raphani, Cardaminis, Sinapeos, Cochleariae variae species, aliorumque generum in classi tetrodynamia; tum Ranunculi, Chelidonii, Anemones species, Asarum europaeum, Scilla maritima, Aconiti species, Digitalis purpurea, et reliquae narcoticam simul exhibentes naturam.

Alterius classis, quae amplectitur Helleborinum, Daphneum, adipem et substanzias alias animales, resinamque (g) acres, corpora jam dicto exposita artificio nihil volatile ex se evolvi sinunt; immediate vero gustata, cutique adipicata ustionis sensum et inflammationem excitant. Huc plantae pertinent, quae sequuntur: Daphne Mezereum, Thymelea, Laureola, Gnidium, Helleborus niger, hiemalis etc.; naturae resinosae praebent acridinem Euphorbium, officinarum; cum adipe aliisque substanzias animalibus conjunctum in Meleos vesicato-

g) Salzburg, medic. chirurg. Zeitung, Nr. 69, August 1818, Fortsetzung der Anzeige von C. H. Pfaff's System der Mat. medica. cl. 16. Abth. 5. Scharfe Härze.

rii, et Proscarabei L., aliorumque insectorum corporibus invenimus. (h)

In usum medicum ut epispastica et vesicantia ex his allatis corporibus frequentissime vocari solent: Sinapeos nigrae semina, Cochleariae Armoraceae radix, Allii Cepae bulbi, Scillae maritimae radix, herba Colchici, resina Euphorbii, Daphnes Mezerei cortex, et omnium maxime Cantharides. Quae medicamenta vel plura, vel singula, vel sola inter se, vel aliis substantiis commixta, in forma vel emplastri, unguenti, vel liquidiori quavis ad cutem possunt applicari.

Praeter substantiarum acrimum stricte sic dictarum usum, corpora, quae oleo aethereo scatent largo, idoneis cum materiis in connubio eosdem quos alia rubefacientia effectus edere possunt. Si pulvis Zingiberis per flammam spiritus vini ei superfusi digesta; et pultis instar applicata, secundum celeberr. Krebs' aliorumque medicorum experientiam, eximia pollet et celeri efficacia. (i)

h) J. Jacob Berzelius Förelässningar i djurkemiens. Stockholm 1808. Sedn. del. p. 187—93.

i) Baldingers neues Magazin. IX. Th. C. 134.

*Virtutes rubefacientium et vesicantium
in genere.*

Medicamenta acria rubefacientia loco contactus fibrae et irritabilis et nerveae adaugent irritationem. Nervorum superficialium irritatio plus minusve pro irritanti, receptivitatis, et consensu in universum ratione cum vasorum, muscularum, organorum sensu et aliorum viscerum nervis communicatur (k). At non per nervorum consensem omni ex parte eadem jam dicterunt partium in nervis sit irritatio. Nam cum partium illarum structura et functionis ratio inter se differt, nervorum illis proprium vis diversam quocque debet assumere indolem (l). Cum vero omnes corporis nervi continuitate etiam et nexus quodam continentur, singulorum temperiem nervorum ab universalium, hecum vero ab illarum temperie dependere necesse est. Cujuscunque nervi vis non solum a reliquis dependet, verum etiam, no modum excedat et effrater ab horum ipsi opposita vi, refinetur et coercetur. Ubi vero hinc erga-

k) G. J. Burdach, System der Physiologie, 2. Aufl. 1808. B. 2. S. 153, 178/179.

l) Sprengel, Inst. Pharmacolog. p. 10. §. 2.

nervorum cutaneorum tanquam in uno polo vim, ope affinitatis idonei cujusdam irritamenti elicueris, et ab aliorum nervorum antagonistica quasi eumque figente vi liberaveris, tunc etiam haecce vinculis libertata suis, majori quam antea copia et intensitate ad ipsi congruas partes, quae alterum constituant polum, migrat, et in illis validiores gignit effectus. Quos ex irritationis per consensem immediata secundum nervos propagatione vulgo explicant medici. Eodem quidem modo fibrae irritabilis in applicationis loco augentur irritatio, sed propter exiguum, eisque hand directum cum reliqua systematis irritabilis parte connectim, haecce integra et in affecta manet, irritatio vero tantummodo in loco verato concentratur, ut ita dicam. Cum vero utrinque generis fibras stimulo lacessemus non aequaliter resistant, temporis tandem progressu fibra nervosa, s. ut neotericis placet, vis expansiva simul in indistinctam abit astheniam, dum fibra irritabilis, s. vis contractiva, quamvis tardius, tamen intentius excitatur.

Quo facto tandem in vasis partialis fibrae irritabilis et nerveae disharmonia s.

inflammatio oboritur, rubore, dolore, humo-
risque serosi excretione sese distinguens. (m)

Credunt medici praeter primarium et secundarium consensualem, hujusmodi medicamentis, adhuc antagonisticam organorum provocare posse actionem. Nam si unum vexaveris et debilitaveris organon, alterum cum illo per antagonismum conjunctum, tunc eo vehementius efferi contendunt. Quem equidem effectum nonnisi ex consensus modificatione, majorique gradu genitum declararem (n). Neque prorsus in dubium vocari potest haecce actio antagonistica. Nam cum constet utriusque poli vim sese vicissim coercere, tunc per se patet, si unius poli vim ope affinitatis vehementioris cuiusdam medicamenti exhauseris, vel potius dicam, si medicamentum hoc fines nervorum polares destruxerit et secum commiscuerit, tunc et alterius poli vis eo liberius, maxima qua potest copia et intensitate emanat. Ex his liquet consensum et antagonismum ex eodem posse scaturire fonte.

m) Boigts's System der Arzneimittellehre, herausgegeben von C. G. Rühn, Leipzig 1816, B. 1. Abth. 1. §. 86.

n) C. T. H. Bürsy. Animadvers-hist. crit. in doctr. de consensu et antenergia. Dissert. Dorpat 1815. p. 5.

Quorum medicamentorum quoad efficacie gradum differentia ex mixtionis diversitate et volatiliori fixiori natura repetenda videtur. Quae resina, substantia et adipe animali figitur acredo, propter qualitatis et quantitatis in mixtione constantiam etiam cutem continuo et aequaliter irritare potest, ita ut post aliquod temporis intervallum omnes usque ad inflammationem irritationis gradus peregisse observemus, quare et hujusmodi acribus saepissime ad vesicas efficiendas utimur. Acria vero, quae volatiliorem et oleoso-aetheream praese ferunt indolem, (Sinapis, Cochlearia, Allium), licet cum aliis substantiis fientibus commixta adhibeantur et magis nervos palpantes ope subtilioris naturae intentius vexent et dolorem afferant; tamen fibras nerveam et irritabilem cutis vasorum propter inconstantem mixtionis rationem tam fortiter et constanter irritare nequeunt, quam ob rem ad rubefacientium in genere haecce referuntur catervam remediorum.

Praeter diversitatem ex efficacie gradu explicandam, haecce medicamenta quoad effectus qualitatent admittunt insuper distinctionem. Quaedam acria, et inpri-

mis quae resinoso-oleosam aetheream et oleaceam aetheream produnt naturam, ut Ranunculus acris, sceleratus, palustris, cortex Mezerei, succus et resina Euphorbii hic consideranda obveniunt. Quae si sola applicentur, tanta gaudent acrimonia et materiae organicae affinitate, ut cuticulam resolvere, destruere et sub eadem tam diram ciere inflammationem possint, quae neque exsudativam, ut per emplastrum Cantharidum, neque mitiorem, ut per rubefacientia stricte sic dicta inductam assumat naturam, sed aut in largam suppurationem, aut in ulcerâ gangrenosa minitetur abitum. Hujusmodi medicamenta rodentibus, escharoticis, et causticis, ut veteribus placuit, adnumerari remediis haud illicitum est. Cum vero, si de his, de ulceribus et fonticulis artificialibus disserere vellem, hujus dissertationis limites excedere necesse esset, eorum ut conferantur opiniones, qui de ejusmodi rebus scripsierunt, hoc loco monuisse sufficiat. Nec tamen negari potest et allatis, quin causticis ipsis substantiis, si cum aliis conjungantur et ab iis mitigentur materiis, ad rubefacientium et vesicas eliciendas commode uti posse. Quaedam substantiae et alias, vel e pe-

ciliari mixtione, vel e partium constitutivarum majori vel minori resorptione repetendas exserunt virtutes. Ejusmodi medicamentorum e. gr. Cantharidum magis diutino et externo usu, resorptis quibusdam eorum particulis, etiam primarie in fibras systematis lymphatici et sanguinei vel nervosas vel irritabiles propagatur efficacia; quare et glandulae lymphaticae in vicinia partis rubefactae tumescere, sanguinisque acceleratio tota in corpore circulatio pulsuam frequentiori ictu sese manifestare incipiunt. Specifice Canthrides in massam sanguinis resorptae in quaedam organa agunt, et potissimum uropoëtica, quare mingendi difficultates aucta vasorum urinam secernentium contractilitate inducuntur. Sunt et alia corpora, quorum, quamvis minori acredine utentia, si intus adhibeantur, in vasa uropoëtica excitando vis cernitur.

Rubefacientium in genere restringi potest usus, cum ad debilitatem localem, torpidam fibrae irritabilis et nerveae simul in loco applicationis tollendam; tum per consensum vicinorum, vel segnium totius corporis nervorum vim augendam; denique ad

inaequabilem vis sensiferae dispensationem moderandam. (o)

Quae vero rubefacientium et vesicantium arcent usum ccontraindicantia sunt: status morborum hypersthenicus, vel contra omni ex parte debilissimus, ut in stadio typi putridi colliquativo, diathesi scorbutica (p) e. s. p.; febres continuae acutae, durante eorum vehementiae incremento, vel licet remittant, natura ipsa affectionem universalem in localem, eumque salubrem permutare conatur. (q); peculiaris et insignis cutis teneritudo, et proclivitas, talibus adhibitis medicamentis in exulcerationes abeundi malignas. Eximia organorum urinam secernentium et genitalium, vel genuina vel forte inducta incitabilitas emplastri Cantharidum et magis diutinam et ad vicinas his organis partes prohibent applicationem

o) Sprengel inst. therapiae general. §. 226, p. 177.
Eiusdem inst. pharmacologiae. p. 214, 15.

p) Sprengel inst. pharmacologiae. p. 217, 18.—B.M. Krummacher de usu Siaipismorum, usu vesicantium preferendo. Erlang. p. 17, 18, 19.—Thonerus observ. med. lib. 2 obs. 2. — Tralles usus vesicantium salubris et noxius in morbor. medela. p. 191—192.

q) Sprengel inst. therap. gener. §. 225, 26.

(r). Genuina et universaliter praeter modum aucta sensibilitas, quae teneros infantes, feminas hystericas et juvenes occupat choloricos, vivaces, siccae constitutionis.

Virtutes in specie.

Primitive magis cum in topica nervorum debilitate, immo paralysi, tum locali et partium irritabilium asthenia irritando episistica agunt, si aut immediate, aut saltem prope has partes applicentur (s). Hinc cerebri inbecillitate, ut apoplexia a collapsu, et nervosa, sopore, lethargo, post cerebri commotiones, vel nuchae, vel ipsi capiti, capillis resectis, emplastrum sive sinapeos, sive Cantharidum imponere juvat. Idonea quoque reperiuntur in vesicae et extremitatum inferiorum paralysi, quae ad regionem sacralem, in amaurosi aliisque paralyticis oculi affectibus ad supercilia et tempora (t), in nervi auditorii resolutione pone

r) Schirow, diss. de Cantharidibus. §. IV. 1794 — Paracelsus Oper. chirurg. Franc. ad. Maen. 1595. Folio L. XX. de venenis cap. XXVIII. — Fab. ab Aquapendente Chirurg. p. 688.

s) Gurdach Syst. der Arzneimittelkunde. B. II. p. 181.

t) Ritter Carl Gräfe. Repertorium augenärztlicher Heilformeln. Berlin, 1817. §. 146. p. 65.

aures admoveantur; linguae vero et extremitatum superiorum resolutione aut ad collum, aut nucham applicetur hoc medicamentum oportet. Praeterea linguae et organorum masticationi inservientium paralysi acria etiam alia, ut Cubebae, rad. Pimpinellae, fem. Sinapeos, rad. Pyrethri ore excepta et manducata prosunt. Irritamenta cutis, nervorum palpantium ac eorum, qui vasis cutaneis prospiciunt, medicamenta acria externe adhibita, si aut cutis ignavia et torpore exanthemata vel acuta, vel chronica, ut rite erumpant prohibentur, aut si incavitate ex cute ad internas partes repulsa iterum in pristinum locum revocanda sunt, aut scopo prophylactico, ne nobiliora organa agrediantur, medelam admittunt. Ejusmodi exanthemata, in quibus rubefacientia eximia pollent virtute, sunt inter alia plura, quae sequuntur: miliare, morbilli, rubeoiae, erysipelas, scarlatina, variolae, impetigines variae chronicæ, ut scabies, herpes etc.

Efficaciae quoque primariae caussa adversus debilitatam vel nervosam, vel irritabilem in ultimis vasorum secernentium finibus fibrarum, rubefacientia et potissimum emplastrum Cantharidum in blen-

norrhœis chronicis e laxitate solidorum oriundis, e.g. in leucorrhœa, medorrhœa benigna perinaeo, in blennorrhœa oculorum superciliis imposita, utilia inveniuntur. Ipsa vel in gangraena taeniae ex emplastro Cantharidum excisæ, supra annulum gangrenosum membro circumvolutæ, ejus progressum vim vasorum et nervorum languentium augendo arcent.

Consensualiter vero, si tantum rubor elicitor, tanquam irritamentum commune in universam agentia nervorum vim acria medelam afferunt typho, et simplici et contagioso, vel cum erethismo, vel torpore s. paralyse incipiente conjuncto.

In febri nervosa versatili, in qua cum nervorum vis imminuta, sed haud depravata nutritione quoad quantitatem debilitata esse videtur, et nimis agitati et affecti nervorum systematis apparent symptoma, consensualis omnium nervorum per rubefacientia irritatio et majorem in iis vasorum reproducentium reddit functionem.

In febri vero nervosa stupida, vel torpida, in qua propter omnino fere sublata nervorum refectionem eorumque turbata est mixtio, qua stimulorum affinitati

respondere possent; symptomata etiam nervorum testantur ignaviam et torporem. Quae cum major nunc debilitatis nervosae sit gradus, et efficaciorem et fortiorum exposit medelam. Hic non solum consensualis per rubefacientia sufficit incitatio, verum etiam primarie medicamentis interne sumtis nervorum vigor et reproductio adjuvanda est.

In typho putrido, in quo cum nervorumque yasa nutriticia, tum et ipsi vasorum majorum trunci permagna laborant debilitate et labe, medicamenta quidem epispastica externa propter consensualem totius nervorum systematis irritationem conducerent. Quam vero irritationem cum partes irritabiles systematis reproductivi haud experiri possunt, partium renovatio simul languebit ac nervorum superficialium in loco applicationis vis exhaustetur; unde fit ut tandem ulcera maligna, immo gangraena his adhibitis medicamentis in cute producantur. Quod cum ita sit, ejusmodi adhibere medicamina juvat, quae intus sumta humorumque in massam invecta etiam fibrae irritabilis in quacunque corporis to-

tias parte vim irritare et corroborare queunt.

Praeterea secundarie et consensualiter epispastica vim exercent in partium singularum, vel plurium, aut per temporis intervalla, aut continuo perdurante, vel eundem locum aggrediente, vel divagante asthenia. Quae debilitas ex imminuta nervorum et quantitate et hinc oriunda quadam functionum celeritate cernitur; utpote antagonistae fibrae scil. irritabilis quoad quantitatem haud diminuta affinitas praepondere, ideoque nervosam eo vehementius afficiat fibram. Hujusmodi morbosae accessiones, si ex disharmonia aequilibrii inter systemata derivata, muscularum nempe et nervorum cerebralium ad musculos tendentium profiscantur, singularibus insigniri nominibus spasmo et dolore solent. (u) Utrumque statum saepissime conjunctim ingruere videmus. — Spasmus partium muscularium sese manifestans con-

v) Philipp Joseph Hörsch, Handbuch der allgemeinen Therapie. Würzburg, 1811. §. 190. — Allg. Therapie von Karl Georg Neumann. Leipzig, 1806. p. 13, 21, 173, 74.

tractione, in qualitatis eorum propriae contractilitatis superpondio quaerendus est. — Dolor nervi quantitatem parvam peccantis, per antagonistam vel nimia vel normali energia gaudentem, inducta vehementi affectione innuit. Motus spastici in organis motui voluntario parentibus nobis invitis fiunt, quia non voluntarius stimulus, sed alius fortuitus vel internus, vel externus normalem nervorum contra antagonistas interceptit resistantiam.

Caussae spasmi esse possunt, vel quae justam muscularum contractionem adaugent, vel aequam nervorum vim expansivam diminuunt. Illud efficitur, si fibra irritabilis justo plus, fibra vero sensibilis non eadem ratione nutritur, hoc vero aut ex imminuta nervorum refectione et nutritione, aut ex superirritationis per vehementes animi affectus, dolores, omnesque stimulos inductae sequela, aut ex turbata facultatis sensiferae aequali distributione oritur. Dolore nervos posse debilitari, spasmosque excitari, dolores parturientium testantur vehementissimi, quos et convulsiones subsequi solent. Dolor vero solus et primarius oritur, si non voluntatis,

sive antagonistae normaliter constituti, sed iniquus et alienus in nervum ita agit stimulus, ut in illo, ope affinitatis sua, abnormem producat mixtionis mutationem. Quae cum per universum systema propter nervorum continuitatem et communitatem ad cerebrum usque propagetur, inconsuetum excitat sensum, qui doloris in parte affecta existentiam cum mente communica. Si haecce mutatio adeo creverit, ut antagonistica nervorum in fibras muscularis vis diminuta sit, spasmus evadet. Intercepta vis nervosa aut continuo persistere, aut brevi tempore remittere potest, vel plures nervos vel singulos corripere. Si plurimum nervorum vis interceptatur, neque stimulus satis cito tollitur, obstinacius perdurabit spasmus. Quod efficitur, quoniam dis harmonia in toto systemate major exsistit, minorque nervorum rite constitutorum proportio haud par est abnormi tam multorum per distributionem moderandae et tollendae discrepaniae. Si vero nervi duntaxat singuli minorisque momenti sunt debilitati, stimulusque deprimens auferendus, tum propter eorum cum reliquo sano systemate intimam vel mixtionis vel functionis

communitatem citius etiam restituitur integritas.

Remediorum acrum externe applicatorum ope, et per productam nervorum incitationem, etiam consensus ope, musculi spasmodice contracti nervo aequam conciliare studemus temperiem. At vero nervi cutanei per medicamentum commutatio non eundem in nervo morboso producit effectum. (v) Nam si debilitarem aut male afficerem nervos cutaneos, haecce mala conditio per consensum cum nervis imbecillitate insuper laborantibus communicari et statum eorum pejorem reddere deberet. Si actionis rationem in minima nervi particula ab activitatis ratione particulae alterius mixtione diversae pendentem supponamus, tum hos nervos ut analoga catenis galvanicis considerare possumus, quorum in utroque fine sibimet oppositas mixtione particulas, ideoque oppositas qualitates vel polos statuere debemus. Ponamus igitur alterum ex his polis in ultimus nervorum cutaneorum finibus positum, alterum vero in ultimis partis internae morbosae nervis;

v) Hirsch, allg. Therapie. §. 863 — 68.

jam si opere affinitatis rei alicujus externae in nervis cutaneis normali oppositus, hinc temperiei nervi in aegrotante organo similis provocatur tempesies, tum et opposita virium in minimus nervorum usque ad alterum polum particulis ratio suboritur, ita ut in hoc polo normalis inde producatur status (w). Immutationem hanc aut ex activitatis morbosae derivatione (*αντιστατις, ἐλξις*) (x) aut antagonistica organorum actione repetunt, quod vero non positum est, nisi in consensu et polarica nervorum qualitate. Praeter medicamentum acrum rubefacientium in dictis jam affectibus usum, eo potissimum respiciendum est, ut illa in regione partis aegrotantis, aut eo loco applicentur, unde consensualis eorum impetus ad nervum aegrotantem proprius accedere possit. Hinc in epilepsia ad caput, in testamento inter humeros, trismoque pone aures, ad ramum ascendentem maxillae inferioris, vel tempora, in hysteria, spasmodica deglutitione et vomitu, cardialgia, colica, passione iliaca, spasmodica herniarum in-

w) J. G. Voigtel's Syst. der Arzneimittellehre, herausgegeben von Kühn. §. 291.

x) Hippocr. epid. lib. 6. s. 2. p. 1170.

carceratione ad abdominis regiones, in asthmate vel spasmodica, vel pituitosa ad pectus applicentur, necesse est. Quin et in fixis capitis doloribus et odontalgia, si propè admoveantur vesicantia, idonea inveniuntur.

Praeter et localem et universalem, per consensum rubefacientium in nervos cerebrales efficaciam, etiam vel topice, vel per consensum in universo vasorum, vel sic dictos organicos s. reproductivos agunt nervos. Qua ex ratione in pluribus morbis, ut inflammationibus, congestionibus e. s. p. apte adhibentur.

Inflammatio localem sistit utriusque systematis vegetativi et fundamentalis, vasorum nempe, eorumque nervorum morbum (y). Exstat hic disharmonia ex contractilitatis fibrae irritabilis praepondio super expansivam fibrae nerveae in vasis vim. Vasorum vis absolute normalem nervorum superare potest vigoris gradum, quo facto activa s. hyperthenica exoritur inflammatio,

y) J. Ch. Neil, über die Erkenntniß und Cur der Sieber. Halle, 1804. B. II. Cap. 4 §. 66—79. — Ph. J. Hörsch, allgem. Therapie, §. 189. — Ferd. Jenken diss. de differentiis inflammationum. Dorp. 1815. p. 5.

vel relative, id est in normali persistere gradu, nervorum vero antagonistica labante preponderare potest, unde asthenicam induit inflammatio naturam. Utraque inflammationis species, cum activa, tum passiva, vel majori gradu locum habere potest, si utriusque systematis vis, quamvis non eadem ratione, aut super relativam normalitatis conditionem excitentur, aut sub idem delabantur. (z)

Inflammationis sedem aut in extremis vasorum finibus, ubi arteriae in venas transire tendunt, aut in systemate sic dicto capillari accipiendam esse vulgo existimant medici. Aequali sive mutua inter se et fibrae irritabilis, et nervosae in vase quodam obviae actione aggregationis ambarum status per mutuam eorum affinitatem atque vim attractivam in quadam normalitatis conditione continetur. Si vero fibrae nerveae quoad fibrā irritabilem ex quo cunque mixtionis mutatione diminutur affinitas ipsaque debilitetur, tunc et elementa, quae fibrā constituant irritabilem, ope affinitatis eorum inter se invicem arctius

z) R. G. Neumann's allgem. Therapie. S. 126.

contrahuntur, unde et conspicua oritur contractio (a). In spasmodica igitur et aucta extremonum vasorum contractione proxima inflammationis causa posita videtur (b). — Cum propter obstaculum, quod ex finium vasorum per contractionem nimiam coartatione, sublataque per vim expansivam aequali dilatatione oritur; tum propter normalem vasorum capillarium et arteriarum sanguinem a tergo propellentium conditionem; denique propter vel normalem tantummodo, aut imminutam venarum et vasorum resorbentium actionem; humorum in minimis vasis, eorumque ante ostia coarctata stagnatio, parietumque nimia et praeternaturalis inducitur dilatatio. Ex hac per nimium humorum affluxum inducta vasorum intumescentia, nec non majori et abnormi materiae organicae vicissitudine, symptomata, quae inflammationi vulgo tribuimus, oriri solent. Doloris causa non solum in abnormi nervorum vasalium, sed potius eorum quaerenda est affectione, qui a cerebro ad prospiciendum organi illius

a) Fr. Aler. v. Humboldt über die gereizte Muskel und Nervenfaser. B. 1. S. 398 u. s.

b) C. L. Hoffmann diss. de atrahentium usu et abusu. S. 41. p. 87. — Stoll rat. medendi. Tom. VI. p. 491.

functioni abeunt, in quo depravati huius processus vegetativi, s. inflammationis inventur sedes.

Abnormis horum nervorum affectio nascitur vel ex vasis tumentibus illos ac vicinas partes prementibus, vel ex stimulo, quem iniqua materiae organicae mixtio efficit, vel ex disharmonia processus vegetativi in ipsis nervorum vasis nutritiis obvii. Arteriarum frequentiorem et validiorem pulsationem, nec non rubraram sanguinis particulatum in vasa mirora et serosa transitum, adeo ut rubor inflammatorius existit, ex aucta vasorum in contractione energia, quare et validior undarum sanguinis propulsio fit, repetere debemus. Tumor non semper ex inera vasorum dilatatione oritur, verum etiam, quando crassiores partium sanguinis constitutivarum particulae exsudatione per fibros vasorum extensos vel disruptione patentes in telam cellulosam paténychymatis extravasantur (c). Aucta calorici evolutio non tam ex abnormi mixtionis materiae immixtione, quam potius ex sanguinis oxy-

c) G. F. de Ritter, diss. ex. novam inflammationis theoriā. Dorpat 1815. p. 8.

genio praegnantis magna accumulatione, atque hinc inducta majore materiae organicae oxydatione declaranda videtur. Quo pacto et angustiori spatio major materiae organicae per insigniorem oxydationem et coagulationem, eodemque tempore majorem calorici et principii carbonacei secretionem comparat vicissitudo.

Optima et unica inflammationis crisis, ne abeat in metaschematismum aut gangraenam, est ejus resolutio. Nonnunquam enim accidit, ut natura ipsa, ubi disharmonia processus vegetativi parva, sthenicae que est indolis, absque conspicua virium disperditione, pristinam restituat integritatem. Si vero fibrae vasorum potestas normalem et jam nervorum vasarium conditionem insigni superet modo, aut si contra ea nervorum vasis prospicientium vis nimis subter fibrae irritabilis proportionem descenderit, tunc natura artis indiget auxilio.

In inflammatione hypersthenica, activa, ubi propter sanguinis, lymphaeque coagulabilis abundantiam, tum vasorum inflammatorum nimia impletio, et coagulationis magna pronitas urgent, tum et fibrae irritabilis vigor ea materiae reproducentis

copia augetur, caussam proximam simul, ac phaenomenorum vehementiam auferre possumus vel sanguinis in quantitate peccantis emissione, vel pronitatis ad coagulandum sublatione. Illud enim assequi studeamus aut locali, aut universalis sanguinis detractione, hoc vero sanguinis coagulum solventibus remedii, nitro nempe, ammonio muriatico, potu largo, acidulo etc. (d)

Inflammatione asthenica, ubi processus vegetativi integritas, propter languorem praeter normam nervorum in vasis obviorum vim, relatione ad fibrae irritabilis in iisdem obviae vel normalem, vel debilitatam quoque conditionem, turbata existit, tum maxime interest positiva nervorum excitatione restituere harmoniam. Praeter medicamenta, quae in sanguinis massam suscepta primarie nervos irritare eorumque vim adaugere valent, idem quoque per consensualem rubefacientibus productam incitationem efficere valemus. In eandem jam nervus vasorum in parte inflammata per nervi vasalis cutanei incitationem incidit conditionem, quam in spasio nervi

d) Autenrieth, Physiologie. §. 43.

cerebrales fluidum suorum cutaneorum experiuntur excitatione (e). Nervi vasalis, in cute per rubefaciens inflammata, immutatio et debilitatio in nervis vasorum partis prius inflammatae profundiusque sitae, nexus et polaritatis ope inter illos locum habentis, contrariam omnino pristinæ provocat temperiem, ideoque mutuam quasi virium transmigrationem efficere videtur. Quo facto in applicationis loco nervorum vasis cutaneis priorum debilitatio, et inflammatio in cute, loco vero antea asthenica phlogosi correpto, normalis producitur temperatio. Hoc artificio igitur morbus quasi ex organo nobiliore in ignobiliorum transmittimus. Quod ideo moliri studemus, quoniam turbata organi nobilioris functione, alia simul organa haud minoris momenti et cum illo conspirantia quominus officia sua expleant, prohibentur, antequam localis nervi vasalis temperies ope reactionis reliqui systematis plane restituta erit. Functio vero cutanea non, nisi in applicationis rubefacientium loco turbata, nullis terret infastis sequelis, cum propter vicariam

e) Curtii Sprengel inst. therapiæ gener. §. 217.
pag. 172.

reliquæ cutis tam late patentis actionem, tum ejus cum organis nobilioribus non tam eminentem conspirationem. Ex his allatis palam fit, cur simplicibus cutis inflammationibus natura facilius citius medeatur, deperditasque ejus partes sine graviori regeneret discrimine.

Etiam adversus inflammationis symptomata a rubefacientibus salubrem expectare possumus efficaciam. Dolor partim ex abnormi proveniens processus vegetativi in nervis cerebralibus ad locum affectum pertinentibus obvii, conditione, atque ex immunita eorum per nutritionis culpam quantitate, eodem quo spasmus modo, per artificiale aut mitigatur, aut penitus dissipatur cutis inflammationem. Nam cum nervi cuiusvis aut in variis punctis, aut in utroque fine diversa, immo sibi met opposita esse potest temperies, quac, si mutetur in una parte, mutetur simul necesse est in altera, sequitur ut, debilitata nervi vasalis cutanei temperie, opposita nunc ideoque normalis in altera ejusdem parte inflamma hucusque inducatur conditio. Quare et durante cutis inflammatione, nervorum partis affectae a stimulo cum primario, tum

secundario sustinetur immunitas, quamdiu vel vasa exhalantia per humorum secretio-nem stimulum mitiorem reddiderint, vel vasa lymphatica tandem ultimum ejus fasti-gium resorbendo oblitteraverint.

Ita Epispasticorum et vesicantium usus, tam in veris, simplicibus, quam sic dictis spuriis inflammationibus locum obtinere potest. In spuriis his, catarrhalibus nempe, rheumaticis et arthriticis inflammationibus et dolori-bus saepius per emplastrum Cantharidum vesicas in cute elicere juvat, ut nempe exulceratio cum secretione pathologica, ideoque longior effectus nascatur. Em-plastro huic et proprium est, ut, si diutius cutis in contactu moretur, partium quae-dam ejus constitutivarum resorbeantur, unde et haecce ad exercendam majorem resor-bendi vim concitantur. Cum vero in his allatis inflammationibus materia quaedam peccans ut stimulus inflammatoryus accipi possit, vesicantis efficacia non solum in stimulum hunc nervorum imminuitur recepti-vitas, verum etiam vasorum lymphaticorum, stimulum et resorptione et assimilatione ad eliminandum, impelluntur vires.

Rubefacientia igitur et vesicantia asthe-

nicias in caput congestionibus, et exinde productis delirio et mania, aut encephaliti-de, tum vel in primo sive inflammatorio hydrocephali stadio, vel in toto ejusdem decursu (f), tum ophtalmiis asthenicis vel ad caput rasum, vel cervicem, vel alias capitis regiones applicatur. In omnibus asthe-nicis anginae speciebus, vel in angina gan-graenosa, in exordiente phthisi tracheali aliisque tunicae muciparentis in larynge et trachea inflammationibus, ad collum, circa laryngem, vel nucham admoveatur hoc re-medium; asthenica porro pneumonia, vel etiam postquam sthenicam venae sectione infregimus, tum catarrhalibus et rheumaticis pulmonum affectionibus, immo et in phthisi hinc oriunda pituitosa, emplastrum Cantharidum vel ad pectus, vel inter scapulas dorso imponere juvat. Ex rubefaci-en-tibus et vesicantibus abdominis variis regio-nibus admotis, medelam exspectare possumus adversus asthenicas et catarrhales ca-nalis intestinalis affectiones, dysenteriam, diarrhoeam dolorificam, enteritidem, hepa-

f) Arnemann's chirurgische Arzneimittellehre, Göttingen 1799. S. 117.

titidem aliasque asthenicas inflammationes. Saluberrimum quoque admittunt eadem medicamenta effectum in iis internarum partium inflammationibus, quae exanthematicum in cute vel suppressa, vel retrorsus ex florescentia, nec non eorum in internas partes transmigratione originem trahunt. (g)

Cum vero rubefacientia in genere non solum secundarie per consensum nervorum vasis lymphaticis prospicientium augeant vim, verum etiam, si emplastro Cantharidum usus fueris, quedam ejus particularum resorptae primarie vel in fibram irritabilem, vel nervosam vasorum incitando agant lymphaticorum, nec non urinam secerentium, tum sane morbo, qui jam diatarum partium exigit incitationem, convenientem omnino affert medelam. Hinc iis utimur in hydrope, potissimum ab initio, cum morbus adhuc quasi inflammatoriam prae se fert speciem, et rheumaticam arthriticam et exanthematicam innuit originem. In ultimo vero hydropis stadio, ubi ingens jam virium vel irritabilium, vel sensibilium in vasis resorbentibus terret de-

fectio, perperam his utimur medicamentis, quid! quod majorem noxam adferre valeant.

Postremo etiam vesicantia ad impetigines chronicas haud magnae amplitudinis, quae aliis cuticulis medicamentis obstinaciter resistunt, radicitus tollendas idonea sunt reperta (h). Quod ex vasorum cutaneorum, eorumque nervorum per novum stimulum immutata temperie explicari potest, qua vasis lymphaticis materiam, quae abnormalmem hunc produxit et sustinuit processum vegetativum, resorbendi copia fit.

b) J. Arnemann's chirurg. Arzneimittelkunde, S. 157.

g) Sprengel, inst. pharmacologiae, p. 216—17.

T h e s e s.

I.

Sanguinis propulsio in arteriis a cordis tan-
tum vi non dependet.

II.

Morbi scrofulosi prima caussa est mala
digestio.

III.

Optima aquam in ascite evacuandi metho-
dus est paracenthesis abdominis.

IV.

Phthisis pulmonalis etiam sine praegressa
inflammatione sponte oriri potest.

V.

Erysipelas exanthematis jure adnume-
randum est.

VI.

Non sunt medicamina contrastimulantia.
